

Полный сборник канонов и молитв святителю Николаю,  
архиепископу Мирликийскому

# Каноны Октоиха, восьми гласов

## Г л а с 4

*Начало канона см. 01 - Начало канонов.doc*

### Песнь 1

*Ирмос:* Трискаты крепкия, Рождейся от Девы, безстрастия во глубинѣ души тричастное потопи, молюся, да Тебѣ, яко в тимпане, во умерщвлении телесе побѣдное воспою пѣние.

*Припев:* Святителю отче Николае, моли Бога о нас<sup>1</sup>.

Безпечальную жизнь наследовав, блаженне, и радости духовныя исполняемъ присно, всяку печаль отжені, молюся, от души моея, яко да, радуяся, славлю тя, священнейший отче Николае.

Поставлен был еси добродетелей высоких на свѣщнице, якоже свѣтильник просвѣщаеши сердца верных, святителю Николае. Темже верою молю тя: светоносными молитвами твоими души моея тму отжені.

Слава: Жития тленнаго ныне пучиною, отче, искушений различных наполняемъ, премудре, к тебѣ прибегая, вопию: да обрящу тя кормчия, в тишину прелагающа бурю, Божественными молитвами твоими.

И ныне, Богородичен: Неусыпающую, Чистая, имущи молитву, успи наша страсти душевныя священными ходатайствы Твоими, Божественную и спасительную даючи бодрость к Божиим хотениям исполнению.

Моли Бога о нас, святителю отче Николае, яко мы усердно к тебѣ прибегаем, скорому помощнику и молитвеннику о душах наших.

### Песнь 3

*Ирмос:* Не мудростию, и силою, и богатством хвалимся, но Тобою, Отчею ипостасною Мудростию, Христѣ, несть бо свят, паче Тебѣ, Человеколюбче.

Оружие явился еси, борительныя враги закалая, ихже искушения соблюди нас невредных, Николае, содевающих Божественное хотение.

Сокрушение моея души, святителю, уврачуи, сокрушивый вражия козни и ловления, да, яко предстателя моего, верою почитаю тя.

Слава: Разоривый Артемиды бездушная капища, ума моего страстная мечтания потреби Божественными ходатайствы твоими, отче Николае.

---

<sup>1</sup> Этот припев повторяется перед первыми двумя (или тремя, если есть третий) тропарями канонов святителю Николаю, в каждой песне.

И ныне, *Богородичен*: Тя предста́тельница, Пречи́стая Де́во, стяжа́хом, претвори́ нашу печа́ль на ра́дость и ско́рби изба́ви, ражда́ющая смерть.

Моли́ Бо́га о нас, святи́телю о́тче Нико́лае, я́ко мы усер́дно к тебе́ прибега́ем, ско́рому помо́щнику и моли́твеннику о душа́х на́ших.

Го́споди, поми́луй. (*Трижды.*)

*(Если по 6-й песни читается акафист, то перед седалями читаем кондак и икос.)*

#### Седален, глас 4

Ско́ро предвари́, о́тче Нико́лае, и спаси́ рабы́ тво́я от находя́щих нам бед и скорбе́й, имаши бо к Созда́телю и Бо́гу дерзнове́ние. Прииди́ у́бо вско́ре ко ве́рою тя призыва́ющим, твоё ны́не предста́тельство и покрóв да́руя.

Слава, и ныне, *Богородичен*

Яко всех еси́ творений́ вы́шшая, воспева́ти Тя досто́йно недоумева́юще, Богоро́дице, ту́не, мо́лим Тя, поми́луй нас.

#### Песнь 4

*Ирмос*: Седя́й в сла́ве на престо́ле Божества́ во о́блаце лёгце, прииде́ Иису́с Пребоже́ственный нетле́нною длáнию и спасе́ зову́щия: сла́ва, Христэ́, си́ле Твое́й.

Пресла́вное жити́е твоё́ вездé ты пресла́вна показа́, чудеса́ Божество́нными, и просвеща́емаго, святи́телем украше́ние, всем похвалу́, чту́щим ты, Нико́лае, ра́достными пёсньми.

На вы́соце престо́ле, блаже́нне, Бо́га похвали́л еси́, смиреному́дрия Божество́нными облистáя све́тлостью, ихже́ бо причáстни бы́ти нас сотвори́ благоприя́тными твоими́ мо́льба́ми, о́тче му́дре.

Непра́ведно ведо́мая на смерть изба́вил еси́ ре́вностию́ Божество́нною, о́тче, священноле́пне распала́емь. Те́мже вопие́м ти: та́кожде изми́ нас от напа́стей, умерщвля́ющих лю́те се́рдце моё́.

Слава: Небеса́ обходя́, Нико́лае, ра́достно, невидимо, о́тче, всем призыва́ющим ты предста́ни, облегча́вая́ недуги́ душ на́ших и утеше́ние боголе́пно пода́я.

И ныне, *Богородичен*: Во́инства а́нгельская́ ужаса́ются, Пречи́стая, воспева́юще вели́чество́ Божество́ннаго рожде́ства Твое́го; с ни́миже моли́, Де́во, всем спасти́ся, ве́рою чи́стою Тебе́ блажа́щим.

Моли́ Бо́га о нас, святи́телю о́тче Нико́лае, я́ко мы усер́дно к тебе́ прибега́ем, ско́рому помо́щнику и моли́твеннику о душа́х на́ших.

#### Песнь 5

*Ирмос*: Нечестивии́ не у́зрят сла́вы Твое́я, Христэ́, но мы Ты, Единоро́дне, Оте́чския сла́вы сия́ние Божества́, от но́щи у́тренююще, воспева́ем Тя, Человеколю́бче.

Зашёл еси́, я́коже со́лнце, умерь́й, о́тче му́дре, и возсия́л еси́ у́ Христа́ светонóсными сия́ньми чудес тво́их, озаря́я всю подсо́лнечную, Нико́лае.

Свяще́нне Нико́лае, услы́ши нас во дни наведе́ния искуше́ний и скорбе́й, вся́кую тесноту́ отгоня́я благода́тию в тебе́ живу́щаго Ду́ха.

Слава: Сокрушенную страстьми житейскими душу мою имый, на помощь ты призываю, священне Николае, потщися и даждь ми совершенное исцеление, умоляя Преплагаго.

И ныне, *Богородичен*: Умныма очима, Дево, зря Тя Исая, вопиет: се хочет родиться от Девы Богоотроковицы Иисус Господь, в человеков паки возрождение.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

## Песнь 6

*Ирмос*: Приидох во глубины морския, и потопила мя есть буря многих грехов, но, яко Бог, из глубины возведи живот мой, Многомилостиве.

Укрепился еси крепостию Спасовою, возмогий, богомудре, невидимаго врага погубити, егоже лютаго вреда нас избави мольбами твоими, отче Николае.

Мучения же в геенне, от лукавых человек стужения вреднейшаго избави нас священными молитвами твоими, преславне Николае.

Слава: Иже древле умерети неправедно имущии воеводы, избавишася твоими предстательствы; якоже тех, и нас исхити всякаго вреда, досточудне.

И ныне, *Богородичен*: Людие Твоя и град молит Тя, Мати Божия: изми нас всякия нужды и тамошнаго, всесвятаа Владычице, вечнаго осуждения.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Господи, помилуй. (*Трижды*.) Слава, и ныне.

## Кондак, глас 3

В Мирех, святе, священнодействитель показался еси, Христово бо, преподобне, Евангелие исполнив, положил еси душу твою о людех твоих и спасл еси неповинныя от смерти. Сего ради освятился еси, яко великий тайник Божия благодати.

## Икос

Воспойм ныне святителя песньми, мирским людем пастыря и учителя, да молитвами его просветимся: се бо явися чист весь, нетленен духом, Христу принося жертву непорочну, чисту Богу благоприятну, яко святитель, очищен и душею и телом, темже сый истинно Церкви предстатель и поборник сея, яко великий тайник Божия благодати.

*(Если читается акафист, то кондак и икос читаются по 3-й песни, перед седальнами.)*

## Песнь 7

*Ирмос*: Юноши три в Вавилоне, веление мучителево на буйство предложше, посреде пламене вопияху: благословен еси, Господи, Боже отец наших.

Святе Николае, во святых единаго всех Творца почивающаго моли освятити нас и низпослати богатыя на ны милости Своя.

Преподобен, прав и кроток, тих и смирен быв, славне, к высоте преславней священства взятся еси, чудеса совершая и знамения.

Слава: Законы Божественныя соблюди, преподобне, явился еси Божий храм чистейший. Темже ти вопием, всеблаженне: от всякаго пребеззакония избави рабы твоя.

И ныне, *Богородичен*: Успей востания страстей моея души, бодренною молитвою Твоею даждь ми бодрость, Отроковице, уныния дремание далече отгоняющи.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

## Песнь 8

*Ирмос*: Избавителю всех, Всесильне, посреде пламене благочествовавши, снизшед, оросил еси, и научил еси пети: вся дела, благословите, пойте Господа.

Ветийствуя Божественная, Николае, беззаконующих незатворенная уста явственна заградил еси и от Ариева губительства многия избавил еси, православно поущия: Господа пойте и превозносите Его во вся веки.

Иже победы тезоименит, святе, победителей нас покажи, молитвами твоими, страдем, раждающим смерть, и пребеззаконных человек языка лстыва, верно присно молящихся ти.

Помощь твою спасительную низслати нам умолен буди, чудотворче Николае, в день нужды, внегда тя, верою просяще, молим.

Слава, *Троицен*: Православно вернии поклонимся Святей Троице, славяще Отца, и Сына, и Всесвятаго Духа, вопиюще: благословите, пойте Господа и превозносите Его во вся веки.

И ныне, *Богородичен*: Милости Твоея мя сподоби, милостивейшаго Слова рождши, Благословенная Всечистая, в час судный предстани, и избави тамошняго мя, Чистая, осуждения.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

## Песнь 9

*Ирмос*: Ева убо недугом преслушания клятву вселила есть, Ты же, Дево Богородице, прозябением чревоношения миру благословение процвела еси. Тем Тя вси величаем.

Исцеления присно совершая, гроб твой благоухания мира, преподобне, источает верою и любовью приступающим, Николае, погребаяй недугов находы. Темже ты вси ублажаем.

Яко солнце всю озаряеши, Николае богоблаженне, подсолнечную, Божественных чудес сияньми тьму лютых обстояний отгоняя священными ходатайствы твоими, архиереев удобрение.

Обычно ущедри ны, Николае, житейскими обстояньми и бесовскими прелестями, лукавых же человек искушеньми люте обуреваемыя всегда, яко да ты вси ублажаем.

Слава: День и час страшный поминай, о душе моя, егда ты хощет привести на суд Владыка и судити твоя дела тайная, и возопий Ему: Спасе, спаси мя Николая мольбами.

**И ныне, Богородичен: Глас Тебѣ Божественнаго Гавриила приносим радостно и взываем: радуйся, раю, яже древо животное посреде имущая всегда, преславная Слова палато, радуйся, Дево всенепорочная.**

**Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.**

*Окончание канона см. 14 - Окончание канонов.doc*